

RAPORT STUDIMOR

INFORMIMI, NJOFTIMI DHE KONSULTIMI PUBLIK NGA PUSHTETI VENDOR

BASHKIA KAMËZ



SHOQATA PER INTEGRIMIN E ZONAVE INFORMALE
QERSHOR 2022

HYRJE	3
KONCEPTE DHE SHKURTIME	5
PROFILI I BASHKISË	6
METODOLOGJIA	7
ANALIZA E TE GJITHA MEDIUMEVE DHE FORMAVE PER INFORMIMIN, NJOFTIMIN DHE KONSULTIMIN	8
GJETJE NGA ANKETIMI ME BASHKINE	11
Gjetje nga anketimi me Këshillin Bashkiak	15
KONKLUZIONE DHE REKOMANDIME	18
ANEKSE	19
PYETËSOR ME DREJTUES DHE NËPUNËS TË BASHKISË	19
PYETËSOR ME KËSHILLTARË BASHKIAK	24

HYRJE

Raporti studimor “Informimi, Njoftimi dhe Konsultimi Publik nga pushteti vendor” kryhet në kuadër të projektit “Përballja e Ofertave Politike – POP”. Ajo është një nismë e rrjetit të 12 organizatave të shoqërisë civile shqiptare mbështetur nga Olof Palme International Centre në kuadër të një programi të financuar nga Suedia: “Shoqëria Civile, Pjesëmarrja Qytetare, Llogaridhënia dhe Ndryshimi Social” dhe nga National Endowment for Democracy.

Gjatë vitit 2019 janë hartuar kontratat sociale për 9 bashki (Tiranë, Durrës, Shkodër, Fier, Vlorë, Kamëz, Pogradec dhe Pukë) dhe që prej atij viti rrjeti “Përballja e Ofertave Politike” monitoron zbatimin e tyre përmes dy projekteve që shkrihen te njëri – tjetri të financuara nga Olof Plame International Centre (OPIC) dhe National Endowment for Democracy (NED).

Në vitin 2021, Rrjeti POP u zgjerua duke shtuar edhe bashkitë Elbasan, Vau i Dejës dhe Korçë. Tre Kontrata Sociale u nënshkruan në bashkitë e mësipërme duke vijuar kështu monitorimin për zbatimin e tyre në 12 bashki. Nëpërmjet këtij projekti Rrjeti POP, synon të forcojë bashkëpunimin me qytetarët në përfshirjen e tyre në vendimmarrje në nivel vendor, duke qenë një urë lidhëse mes tyre (qytetarëve) dhe pushtetit vendor për sa i përket transparencës, llogaridhënies dhe demokracisë vendore.

Organizatat e Rrjetit POP gjatë periudhës maj-qershor 2022 realizuan pyetësorë me stafet përkatëse në Bashki dhe me përfaqësues të Këshillave Bashkiakë dhe përgjigjet e marra nga pyetësorët u përballën me analizën e bërë nga vetë shoqatat sa i përket gjendjes aktuale në secilën bashki në lidhje me menyrën se si realizohet dhe mjetet e format që bashkitë përdorin për njoftimin, informimin dhe konsultimin e publikut.

Kjo analizë tregoi që bashkitë i vlerësojnë këto procese dhe përpiqen të përdorin mjete dhe forma të ndryshme për të patur qytetarët dhe qytetarët pjesë të veprimtarisë dhe vendimmarrjes së tyre por ka dhe sfida që duhen tejkaluar e mangësi të cilat duhen përmirësuar.

Për shembull faqet zyrtare të bashkive duhen të jenë më miqësore për publikun, regjistri i kërkesë ankesave duhet të përditësohet vazhdimisht, programet e transparencës duhet të jenë lehtësisht të aksesueshme dhe të konsultohen me qytetarët, bashkitë duhet të përdorin një numër të konsiderueshëm mjetesh dhe formash për njoftimin dhe informimin e qytetarëve. Proceset e konsultimeve realizohen në bashkitë pjesëmarrëse por më shumë duhet te punohet për rritjen dhe nxitjen e interesit të qytetarëve për të marrë pjesë dhe për t’u përfshirë në sa më shumë takime e dëgjesa publike, përfshirë procesin e hartimit të projekt-buxheteve.

Rrjeti “Përballja e Ofertave Politike – POP”, synon të rrisë debatin publik dhe informacionin te qytetarët, si dhe orientimin e platformave drejt nevojave dhe



prioriteteve të tyre. Përmes aktiviteteve rrjeti synon të forcojë demokracinë shqiptare, duke nxitur transparencën dhe llogaridhënien. Është një përpjekje për të rritur hapësirat për debate publike dhe informacione të qytetarëve në lidhje me platformat e politikave nga njëra anë dhe duke i orientuar këto platforma drejt nevojave dhe përparësive të komunitetit nga ana tjetër.

KONCEPTE DHE SHKURTIME

BP	Buxhetimi me Pjesëmarrje
BPGJ	Buxhetimi i Përgjegjshëm Gjinator
KB	Këshilli Bashkiak
KKQV	Komisione Këshillimore Qytetare Vendore
SHIZI	Shoqata per Integrimin e Zonave Informale
GADC	Gender Alliance Development Center
GMS	Grupi i Menaxhimit Strategjik
NED	National Endowment for Democracy
NJVQV	Njësi e Vetëqeverisjes Vendore
OPIC	Olof Plame International Centre
OSHC	Organizatë e Shoqërisë Civile
PBA	Programi Buxhetor Afatmesëm
QV	Qeverisje Vendore
RAT	Reforma Administrativo-Territoriale

PROFILI I BASHKISË

Bashkia Kamëz kufizohet në veri, lindje dhe jug me bashkinë Tiranë, në veri-perëndim me bashkinë Krujë dhe në perëndim me bashkinë Vorë. Kamza ka në përbërje 4 Njësi Administrative / Lagje: Njesia Administrative Paskuqan, Lagjia Bathore, Lagjia Nr.1, Lagje nr.2

Sipas Censurit të vitit 2011 Bashkia Kamëz ka një popullsi prej 104,190 banorësh, ndërsa sipas regjistrit civil numëron 125,632 banorë. Ajo ka një sipërfaqe prej 37.18 km². Në bazë të censurit, densiteti i popullsisë është 2802 banorë për km² ndërsa sipas regjistrit civil, densiteti është 3379.02 banorë/km².

Bashkia Kamëz është bashkia me sipërfaqen më të vogël dhe me densitetin më të lartë në Shqipëri, duke e bërë atë praktikisht bashkinë më urbane të Shqipërisë pavarësisht se përfshin nominalisht edhe 14 vendbanime që zyrtarisht janë fshatra. Bashkia e re është ndërtuar gjatë 20 viteve të fundit ku rritja e popullsisë ka qenë në përmasa të jashtëzakonshme. Kamza si qendër e banuar numëronte më pak se 5 mijë banorë të përqendruar rreth ndërmarrjes bujqësore “Ylli i Kuq”, instituteve të teknologjisë bujqësore si dhe rreth minierës së qymyrit të Valiasit ndërsa popullsia u shtua me shpejtësi nga migrimi i brendshëm i popullsisë përgjatë 25 viteve të fundit. Kamza mori titullin e qytetit në vitin 1996 ndërsa Paskuqani, megjithëse zyrtarisht vijoi të klasifikohet si zonë rurale, u bë efektivisht zonë urbane me një densitet të lartë të ndërtesave dhe popullsisë.

Profili Ekonomik

Kamza ka një sipërfaqe të punueshme prej 2,364 hektarë, shifër kjo e papërfillshme në krahasim me popullsinë, ndërkohë që pjesa më e madhe e tokës bujqësore është zënë nga banesat për shkak të ndërtimeve informale.

Investimet publike për urbanizimin e zonës kanë qenë të konsiderueshme gjatë viteve të fundit, por këto investime kanë krijuar njëkohësisht disnivel të lartë brenda bashkisë, ku disa zona janë të pajisura mirë me infrastrukturë ndërsa një pjesë e madhe nuk ka ende kurrfarë infrastrukture.

METODOLOGJIA

Për hartimin e raportit mbi situatën e informimit, njoftimit dhe konsultimit publik në Bashkinë Kamëz janë kërkuar dhe përdorur një seri teknikash dhe instrumentash, të tilla si: a) hartimi i metodologjisë dhe instrumentit të anketimit (dy pyetësorë); b) kërkim dhe analizim të informacionit, dokumentave (fizikë dhe elektronikë) dhe kuadrit rregullator e ligjor përkatës; c) intervista të thelluara me stafin e bashkisë dhe anëtarë të Këshillit Bashkiak; d) analizim dhe përpunim të të dhënave të anketimit dhe e) përgatitja e raportit së bashku me rekomandimet përkatëse.

Ekspertët e projektit e bazuan procesin e kërkimit dhe analizimit në tërësinë e informacionit dokumentacionit dhe praktikave, të përdorura në procese të ndryshme të njoftimit, informimit, konsultimit dhe angazhimit të komunitetit në bashkëqeverisje dhe vendimarrje. Procesi i kërkimit dhe analizimit u shtri si në dokumencionin ekzistues zyrtar, ashtu edhe në kuadrin respektiv rregullator e ligjor, të tilla si Ligji Nr. 139/2015 “Për Vetëqeverisjen Vendore”, Ligji Nr. 146/2014 “Për Njoftimin dhe Konsultimin Publik”, Ligji Nr. 119/2014 “Për të drejtën e informimit”, etj. Identifikimi dhe analiza e burimeve ekzistuese tregoi se ka pak informacion dhe të dhëna të disonueshme mbi praktikën e përfshirjes qytetare në qeverisjen vendore.

Pamjaftueshmëria e informacionit të disponueshëm mbi çështjen në fjalë, theksoi rëndësinë e procesit të anketimit me të gjithë hallkat e veta (hartimi i metodologjisë, përcaktimi i rubrikave dhe informacionit që duhej mbledhur dhe analizuar, dhe format e mjetet që do të përdorehin për kryerjen e tij). Metoda kryesore për realizimin e studimit është ajo sasiore, që nënkupton përdorimin e pyetësorëve për mbledhjen e të dhënave. Anketimi përdori gjerësisht elemente të vlerësimit cilësor nëpërmjet pyetjeve të hapura dhe shpjeguese me qëllim eksplorimin e instrumenteve dhe proceseve që sigurojnë angazhim dhe gjithë përfshirje të komuniteteve në pushtetin vendor. Metodologjia e studimit mbart elementë të fortë të vlerësimit informativ.

Pjesë e këtij anketimit janë drejtues, stafe teknike dhe këshilltarë vendorë të 12 bashkive të madhësive të ndryshme të përfshira në programet shumë vjeçare që Olof Palme ka zbatuar në vend. Për anketimin u hartuan dy pyetësorë me pyetje shteruese cilësore dhe sasiore, të cilat mbulojnë një gamë të gjerë temash dhe çështjesh. Për përgatitjen e pyetësorëve u konsultuan paraprakisht ligjet, rregulloret dhe udhëzimet përkatëse që përbëjnë kuadrin ligjor dhe institucional mbi informimin, njoftimin dhe konsultimin qytetar në nivel vendor.

Faza përmbyllëse përfshiu hedhjen, përpunimin statistikor, studimin dhe analizimin e të dhënave, si dhe përgatitjen e këtij raportit përfundimtar.

ANALIZA E TE GJITHA MEDIUMEVE DHE FORMAVE PER INFORMIMIN, NJOFTIMIN DHE KONSULTIMIN

Informimi, njoftimi dhe konsultimi publik i qytetarëve nga Bashkitë dhe Këshillat Bashkiakë, janë detyrime ligjore që rrjedhin nga legjislacioni, ndërsa janë edhe një formë e mirë e ushtrimit të demokracisë lokale ku zeri i qytetarëve dëgjohet.

Kuadri ligjor në fuqi parashikon një sërë detyrimesh dhe përgjegjësish në lidhje me format dhe mjetet që institucionet publike duhet të venë në dispozicion për të ofruar dhe mundësuar pjesëmarrjen e publikut dhe grupeve të interesit në procesin e informimit, njoftimit dhe përfshirjes së tyre në konsultim e vendimmarrje.

Nga analiza e realizuar për këtë studim, vlerësojmë se Bashkia Kamëz dhe Këshilli Bashkiak, përdorin forma të ndryshme për të informuar qytetarët, ndërsa ekzistojnë rregullore për format e informimit, njoftimit dhe konsultimit publik

Instrumentat që përdor Bashkia Kamëz për informimin dhe njoftimin e qytetarëve janë lajmërimet në stendat e bashkisë, ëbsite dhe mediat sociale, zyra me një ndalesë, regjistri elektronik si dhe publikimet e ndryshme së bashkisë si fletëpalosje, botime, etj.

Bazuar në kuadrin ligjor informimi, njoftimi dhe konsultimi i publikut nga Bashkia dhe Këshilli Bashkiak bëhet në përputhje me Ligjin nr. 139/2015, ligjin 119/2014 'Për të drejtën e Informimit' dhe ligjin 146/2014 "Për Njoftimin dhe Konsultimin Publik". Për informimin e publikut Bashkia dhe Këshilli Bashkiak mundësojnë mekanizma dhe sisteme të informacionit për publikun sic janë:

Ëebfaqja e Bashkisë: Është një faqe ku gjenden të inkorporuara të dhënat për Bashkinë dhe Këshillin Bashkiak (www.kamza.gov.al).

Nga ajo që vihet re, Bashkia Kamëz ka ëebfaqe¹ në të cilën ka të publikuara informacione dhe njoftime mbi aktivitetin e Bashkisë. Nga vëzhgimi i bërë ëebfaqes, në krahasim me periudhën e para një viti, informacioni është përditësuar ku është përfshirë rubrika mbi vendimet e Këshillit Bashkiak, regjistri i kërkesave si dhe disa informacione mbi shërbime të Bashkisë. Megjithatë ka nevojë për tu përmirësuar duke shtuar më shumë informacione. Faqja e internetit përditësohet herë pas here, me të dhëna dhe janë publikuar informacione e njoftime të nevojshme për qytetarët. Në të qytetarët mund të shkarkojnë dokumentat ligjorë që si Plani i Përgjithshëm Vendor, Buxhetet Vjetore/Afatëmesëm dhe format e kërkesave, ankesave apo modele të tjera të nevojshme për të marrë shërbime nga Bashkia. Ndërkohë në lidhje me dokumentet që miratohen nga Këshilli Bashkiak, qytetarët kanë akses vetëm në vendimet e aprovuara dhe jo në dokumentet sqaruese ose informuese në kohë reale. *Faqja e internetit të*

¹ www.kamza.gov.al

Bashkisë Kamëz ka nevojë të vijojë përmirësimin duke më miqësore, e sigurt dhe me materiale të rifreskuara.

Programi i Transparencës: Bashkia Kamëz ka të publikuar programin e transparencës në faqen e saj zyrtare. Programi ka të publikuara të gjitha shtyllat me fushat përkatëse. Ky program i publikuar është interaktiv dhe i pajisur me linket përkatëse të cilat hapin faqet respektive.

Bashkia ka Kooridnatorin e Koordinatorit për të Drejtën e Informimit i cili mbulon edhe programin e Transparencës.

Pjesë të Programit të Transparencës është edhe informacioni për Këshillin Bashkiak, përmes publikimit në faqen e Këshillit duke bërë transparencë për komunitetin për përbërjen dhe strukturën e Këshillit (anëtarët, Sekretarin e Këshillit, Komisionet e Këshillit, grupet e këshilltarëve) dhe kontaktet e Këshilltarëve, listë që ka nevojë të rifreskohet pas hërë pas here.

Regjistrat Elektronik të Këshillit Bashkiak dhe Bashkisë Kamëz: Në dy vitet e fundit regjistrat elektronikë I janë shtuar faqes së internetit të KB dhe Bashkisë, ku ka një sesion të dedikuar ku publikohen të dhënat, por vlen të përmendet fakti se ky rregjister duhet përditësuar më shpesh. Gjithësesi në seksionin transparenca, publikohet në mënyrë të përditësuar regjistri i kërkesave për informacion për Bashkinë Kamëz ku të dhëna më të detajuara mund të gjenden në linkun <https://kamza.gov.al/program-i-transparences/>.

Stenda e njoftimeve publike dhe tabela informative: Stendat e njoftimeve, janë një tjetër mjet informimi dhe njoftimi i Bashkisë, ku publikohen në mënyrë periodike informacionet mbi veprimtarinë e bashkisë apo edhe njoftimet e ndryshme. Stendat ndodhen në ambjente të arritshme nga qytetarët si në Bashki ashtu edhe në Njësitë Administrative dhe Lagjet. Gjithashtu, vihet re rëndësia e Zyrës me një Ndalesë (One Stop Shop) e cila përveçse të ofrimit të shërbimeve, shihet si një mjet të dobishëm për informimin e qytetarëve.

Stenda është e pozicionuar në hyrje të Bashkisë Kamëz, dhe aty shpallen gjithë njoftimet publike të këtij institucioni. Stenda ka përmasa të vogla dhe volumi i informacioneve që shpallen është i madh. Ndër të tjera edhe vendimet e KB shpallen në këtë stendë.

Media Sociale²: Duket që mediat sociale zënë një vend të rëndësishëm mes formave që bashkia dhe KB përdorin për njoftimin dhe përfshirjen qytetare, ato rifreskohen në mënyrë periodike nga personat e ngarkuar për adminsitrimin e tyre.

² <https://www.facebook.com/Bashkia-Kamez-108419860536646>

Dy faqe në FB, Bashkia Kamëz dhe Këshilli Bashkiak Kamëz, paraqesin informacion proaktiv mbi aktivitetet ditore që këto dy institucione kryejnë. Faqja e Bashkisë Kamëz në FB ka rreth 3,565 ndjekës, ndërsa faqja e KB është më e re dhe ka rreth 184 ndjekës.

Gjithsesi lajmet janë thjesht të natyrës informuese dhe në shumë pak raste ka mundësi të ndërveprimit. Faqja e KB është më institucionale ku qytetarët njoftohen për rendin e mbledhjes së KB dhe gjatë pandemisë janë mbajtur edhe online mbledhjet e KB.

Format e Pjesëmarrjes:

Takime individuale janë forma më e përhapur e pjesëmarrjes që Bashkia dhe KB realizon shpesh me persona të caktuar. Ditë të caktuar të javës kryetari i bashkisë pret në zyrën e tij qytetarë ose grupime qytetarësh që kërkojnë bashkëpunim ose ndërveprim me institucionin e bashkisë. Gjithsesi ndikuar edhe nga pandemia, këto takime janë zvogëluar në numër. Ndërsa anëtarë të KB, realizojnë takime të ndryshme për çështje me interes të komunitetit, por mungesa e një sallës së KB, sjell vështirësi.

Dëgjesat Publike janë forma më e suksesshme që Bashkia dhe KB realizojnë. Zakonisht për çështje të rëndësishme kur duhet të konsultohet publiku të dyja institucionet i realizojnë së bashku proceset. Vetëm vlen për tu theksuar që janë të pakta rastet kur këto dëgjesa ndodhin, kryesisht për procesin e Buxhetimit me Pjesëmarrje, ose në rastin e konsultimit të Planit të Përgjithshëm Vendor

Takimet në terren me komunitetin janë një tjetër formë e konsultimit dhe pjesëmarrjes qytetare. Zakonisht ato publikohen në faqet e mediave sociale, pasi janë realizuar dhe shumë pak punohet për të monitoruar zbatimin e çështjeve që trajtohen në këto takime në terren.

GJETJE NGA ANKETIMI ME BASHKINE

Perceptimet mbi Informimin, Njoftimin dhe Konsultimin në Vendimmarrjen Vendore.

Në zbatim të detyrimeve të parashikuar në Ligjin 146/2014 “Për Njoftimin dhe Konsultimin Publik” në Bashkinë Kamëz të anketuarit janë pyetur mbi perceptimin e tyre rëndësinë e njoftimit në vendimmarrjen vendore.

Nga anketimi i kryer me bashkinë në lidhje me rëndësinë e njoftimit, informimit dhe konsultimit në vendimmarrjen vendore, këto tre komponentë vlerësohen si të rëndësishëm dhe shumë të rëndësishëm, njoftimi (shumë I rëndësishëm 66.7%, I rëndësishëm 33.3%), informimi (shumë I rëndësishëm 83.3%, I rëndësishëm 16.7%) dhe konsultimi (shumë I rëndësishëm 66.7%, I rëndësishëm 33.3%).


Perceptimi i tyre lidhet me rëndësinë që ka procesi i njoftimit publik në kohë, si një mekanizëm që lejon që të zbatosh detyrimet që rrjedhin nga ligji.

E drejta për informim është e garantuar në përputhje me Ligjin 119/2014, ku secili ka të drejtën dhe mund të marrë informacion për veprimtarinë e organeve shtetërore dhe insitucionet publike duhet të garantojnë transparencën dhe të drejtën e informimit për të gjithë.


Ligji 146/2014 “Për njoftimin dhe Konsultimin publik”, si dhe Ligji 139/2015 “Për Vetëqeverisjen Vendore”, mbështesin dhe nxisin procese gjithëpërfshirëse të konsultimit me komunitetin. Nga anketimi i kryer me bashkinë në lidhje me rëndësinë e njoftimit, informimit dhe konsultimit në vendimmarrjen vendore, këto tre komponentë vlerësohen si të rëndësishëm dhe shumë të rëndësishëm, njoftimi (shumë I rëndësishëm 66.7%, I rëndësishëm 33.3%), informimi (shumë I rëndësishëm 83.3%, I rëndësishëm 16.7%) dhe konsultimi (shumë I rëndësishëm 66.7%, I rëndësishëm 33.3%).

Baza ligjore për njoftimin, informimin dhe konsultimin në vendimmarrjen vendore vlerësohet se njihet mirë nga nëpunësit e Bashkisë dhe kryesisht e vlerësojnë këtë ligj si të qartë dhe të plotë.

Nëpunësit e Bashkisë



Nëpunësit e Bashkisë




Në lidhje me nevojën për rishikime apo plotësime të këtij ligji, vlerësimi kryesor nga nëpunësit e bashkisë është se është i plotë si ligj, por zbatimi kërkon kohë të aplikohet si duhet.


Koordinatori për Njoftimin dhe Konsultimin publik, parashikohet nga dy ligje atë të 146/2014 “Për Njoftimin dhe Konsultimin Publik” dhe ligji nr. 139/2015 “Për Vetëqeverisjen Vendore”. Koordinatori për njoftimin dhe konsultimin publik sipas ligjit ka një rol të rëndësishëm dhe detyra të përcaktuara qartë në procesin realizimit të njoftimeve dhe konsultimeve publike. Të dhënat e koordinatorit afishohen në faqen zyrtare të bashkisë. Nga monitorimet e kryera në faqen zyrtare ëeb të Bashkisë, janë të publikuara të dhënat e koordinatorit për njoftimin dhe konsultimin publik.

Pjesëmarrësit janë në dijeni në lidhje me koordinatorin për njoftimin dhe konsultimin publik si dhe për koordinatorin për transparencën në Bashkinë Kamëz.


koordinator për njoftimin dhe konsultimin publik



koordinator për transparencën




Mjetet më të përdorura për njoftimin e qytetarëve për përfshirjen e tyre në vendimarrje janë lajmërimet publike të afishuara në ambjentet e bashkisë, lajmërimet në mediat sociale si dhe lajmërimet përmes postës elektronike dhe më pak lajmërimet përmes postës.




Bashkia Kamëz ka një regjistër elektronik, dhe përgjigjet e të anketuarve për personin përgjegjës për përditësimin e ti janë: specialisti i informimit (100% e të anketuarve) në bashkëpunim me drejtoritë përkatëse (50% e të anketuarve).


A ka regjister elektronik



Pyetjes nëse ky regjistër është i publikuar, u përgjigjën:



Sipas përgjigjeve të pjesëmarrësve, format e informimit të qytetarëve nga Bashkia Kamëz janë: Zyrat me një ndalesë, Këndet e informimit në ambjentet e bashkisë dhe Nj.A.-ve, Faqja zyrtare e Bashkisë, Mediat Sociale.




Pyetjes nëse kanë mundësi qytetarët të marrin apo aksesojnë lehtësisht dokumenta dhe/apo informacione që ju duhen pranë bashkisë, pjesëmarrësit u përgjigjën po (100%).

Nëse publikohen aktet e Bashkisë në faqen zyrtare të internetit, përgjigjet ishin po (83.3 %) dhe po, vetëm ato që mund të publikohen (16.7%).

Ndërkohë nëse afishohen aktet e bashkisë në vendet e caktuara nga njësia për njoftimet publike, përgjigjet ishin po nga të gjithë pjesëmarrësit.

Në lidhje me programin e transparencës, të gjithë pjesëmarrësit ishin në dijeni që është hartuar dhe publikuar nga bashkia.


Informacioni në lidhje me raporte mbi transparencën në vendimarrje nuk ishin shumë të qarta: 33.3% u përgjigjën po, 33.3% jo dhe pjesa tjetër (33.4%) e përfshijnë në raportin e performancës së bashkisë. Ndërkohë nuk kishte informacion se çfarë indikatorësh përfshihen në të.



Disa nga sfidat dhe vështirësitë e përmenduar nga Bashkia në lidhje me njoftimin dhe informimin e publikut janë: mungesa e buxhetit, mos pasja e informacionit, mungesa e burimeve financiare, mungesa e interesit, si dhe një staf i dedikuar për këtë proces.

Disa nga rekomandimet për përmirësimin e këtij procesi kishin të bënin me nevojën për trajnime, investimi në staf të dedikuar për këtë proces si dhe mbështetja për njesitë vendore që të jenë më gjithë përfshirësenë këtë proces.

pjesëmarrje ne trajnime në lidhje me
detyrimet ligjore për informimin publik




Disa nga nevojat për trajnime në të ardhmen në lidhje me informimin publik, ishin shpërndarja e eksperiencave nga bashkit; tjera në lidhje me procesin për t; sjell; eksperiencat; sukseshme.


Gjetje nga anketimi me Këshillin Bashkiak

Nga anketimi i kryer me Këshillin Bashkiak në lidhje me rëndësinë e njoftimit, informimit dhe konsultimit në vendimarrjen vendore, këto tre komponentë vlerësohen kryesisht si të rëndësishëm: njoftimi (shumë I rëndësishëm 33.3%, I rëndësishëm 66.7%), informimi (shumë I rëndësishëm 33.3%, I rëndësishëm 66.7%) dhe konsultimi (shumë I rëndësishëm 16.7%, I rëndësishëm 83.3%).

Situata në lidhje me njohjen e bazës ligjore për njoftimin, informimin dhe konsultimin në vendimarrjen vendore vlerësohet se njihet disi (16.7% e njeh pak, 66.7% e njeh disi dhe 16.7% e njeh mirë), dhe kryesisht e vlerësojnë këtë ligj si të qartë dhe të plotë.




Këshilli Bashkiak



Në Këshill Bashkiak, pyetjes nëse ka rregullore dhe procedura të brendshme të miratuara për realizimin e procesit njoftimit dhe informimit, përgjigja ishte po. Ndërkohë që vlerësimi në lidhje me rregulloret e Këshillit Bashkiak ("Marrëdhënjet e KB me publikun dhe median" dhe "Paraqitja dhe shqyrtimi i ankesave, vërejtjeve, kërkesave, peticioneve dhe iniciativave qytetare"), është i qartë dhe i plotë dhe nuk ka nevojë për rishikim apo plotësime.

Pjesëmarrësit vlerësuan se ka bashkëpunim (po 100%, jo 0%) mes Këshillit Bashkiak dhe Bashkisë për procesin e njoftimit dhe informimit, i cili nga përgjigjet realizohet nëpërmjet sekretarit të Këshillit Bashkiak.


Në lidhje me mbledhjet e Këshillit Bashkiak, pjesëmarrësit pohuan se njoftimi publikohet në vende të caktuara aksesueshme në njësinë vendore dhe njoftimi përmban datën, vendin, orën dhe rendin e ditës së mbledhjes. Aktet e Këshillit Bashkiak publikohen/shpallen në faqen zyrtare të internetit dhe në vende publike, të caktuara nga këshilli me akses të lirë publik.



Mjetet që përdor Këshilli për njoftimin dhe informimin e publikut janë: lajmëri publik afishuar në ambientet e bashkisë dhe lajmëri në mediat sociale (Facebook, etj), ndjekur nga lajmërimi individuale përmes postës elektronike dhe m; pak lajmërimi individuale përmes postës apo takimeve direkte.



Anëtarët e Këshillit Bashkiak nuk kanë informacion nëse ka një regjistër elektronik të publikuar dhe përditësuar rregullisht.



Në lidhje me programin e transparencës anëtarët e Këshillit Bashkiak janë në dijeni që Bashkia e ka hartuar një të tillë.

Sipas përgjigjeve nuk hartohen apo publikohen raporte vjetore të punës së Këshillit për transparencën në procesin e vendimmarrjes.

Në kuadër të rritjes së kapaciteteve të Këshilltarëve të Këshillit Bashkiak Kamëz, 50% e të intervistuarve kanë marrë trajnime në lidhje me detyrimet ligjore për informimin publik dhe atashprehen se kanë nevojë për trajnime në të ardhmen në tema si transparenca, zbatimi në praktikë i kuadrit ligjor, si dhe ndarja e eksperiencave me Bashki të tjera.

KONKLUZIONE DHE REKOMANDIME

- Nga ana e nëpunësve të Bashkisë të përfshirë në anketim kërkohet dhe rekomandohet rritje e kapaciteteve njerëzore, burimeve financiare për realizimin e procesit të informimit, njoftimit dhe konsultimit publik, duke vënë kështu në dukje nevojën për përmirësim dhe rritje.
- Rritja e kapaciteteve të personave përgjegjës në bashki është një domosdoshmëri dhe do të ndikonte drejtpërsëdrejti në përmirësimin e të gjithë proceseve që lidhen me qytetarët.
- Është e rëndësishme të vlerësohet nëse informacioni që publikohet nga pushteti lokal jo vetëm është publikuar, por dhe është i disponueshëm për komunitetin dhe është shumë e rëndësishme të garantohet sigurimi i informacionit për të gjitha grupet e popullsisë.

ANEKSE

PYETËSOR ME DREJTUES DHE NËPUNËS TË BASHKISË

Përballja e Ofertave Politike - POP 2019, është një nismë e rrjetit të organizatave të shoqërisë civile shqiptare mbështetur nga Olof Palme International Centre në kuadër të një programi të financuar nga Suedia: “Shoqëria Civile, Pjesëmarrja Qytetare, Llogaridhënia dhe Ndryshimi Social”.

Rrjeti “Përballja e Ofertave Politike” po monitoron zbatimin e kontratave sociale të nënshkruara me 12 bashki përmes dy projekteve që shkrihen te njëri – tjetri të financuara nga Olof Plame International Centre (OPIC) dhe National Endowment for Democracy (NED).

Rrjeti synon të rrisë debatin publik dhe informacionin te qytetarët, si dhe orientimin e platformave drejt nevojave dhe prioriteteve të tyre. Përmes aktiviteteve projekti synon të forcojë demokracinë duke nxitur transparencën dhe llogaridhënien në nivel vendor.

Kërkojmë bashkëpunimin tuaj për plotësimin e këtij pyetëtori. Gjetjet e këtij sondazhi dhe rekomandimet e dala prej tij do të ndihmojë në rritjen e transparencës dhe llogaridhënies dhe përmirësimin e përfshirjes së qytetarëve në Bashkinë tuaj.

Bashkia _____
Drejtoria _____

1. Në opinionin tuaj si drejtues/nëpunës, sa i rëndësishëm është njoftimi, informimi dhe konsultimi në vendimmarrjen vendore?

Perceptimi	Shumë i rëndësishëm	I rëndësishëm	Disi i rëndësishëm	Pak i rëndësishëm	Aspak i rëndësishëm
Njoftimi	1	2	3	4	5
Informimi	1	2	3	4	5
Konsultimi	1	2	3	4	5

2. A e njihni bazën ligjore për njoftimin, informimin dhe konsultimin në vendimmarrjen vendore?

Njohuritë	Shumë mirë	Mirë	Disi	Pak	Aspak
Kuadri ligjor	1	2	3	4	5

3. Cili është vlerësimi juaj për kuadrin ligjor mbi njoftimin dhe informimin e publikut në nivel vendor? (mund të zgjidhni më shumë se sa një alternativë)

- Është i qartë dhe i plotë
- Është i qartë, por jo i plotë
- Është i paqartë, por i plotë
- Është i paqartë dhe jo i plotë

4. Nëse mendoni që ka nevojë për rishikim apo plotësime, cilat do të ishin rekomandimet tuaja në këtë drejtim?

5. A ka koordinator/e për njoftimin dhe konsultimin publik në Bashki dhe a është ky i vetmi pozicion që mbulon?

Po Jo

6. A ka koordinator/e për transparencën në Bashki dhe a është ky i vetmi pozicion që mbulon?

Po Jo

7. Cilat janë mjetet që përdorni për njoftimin e qytetarëve për përfshirjen e tyre në vendimarrje? Ju lutem specifikoni (mund të bëni më shumë se një zgjedhje).

- Lajmërim publik afishuar në ambjentet e bashkisë
- Lajmërim në mediat audio-vizive lokale
- Lajmërim në mediat sociale (Facebook, etj)
- Lajmërim individuale përmes postës
- Lajmërim individuale përmes postës elektronike
- Tjetër

8. Sa njoftime të publikuara në tabelat e lajmërimeve dhe online janë bërë gjatë vitit 2021? Ju lutem specifikoni.

9. A keni regjistër elektronik dhe a përditësohet ai sistematikisht?

Po

Jo

10. Kush është përgjegjës për përditësimin e tij?

11. A është i publikuar ky regjistër (online)?

Po

Jo

12. Cilat nga mjetet dhe format e mëposhtme përdorni për informimin e qytetarëve. Ju lutem specifikoni (mund të bëni më shumë se një zgjedhje):

- Zyrat me Një Ndalesë (One Stop Shop)
- Këndet e informimit në ambjentet e bashkisë/njësive administrative
- Faqja zyrtare e bashkisë
- Regjistri elektronik
- Mediat sociale
- Botimet e bashkisë
- Materiale informuese (fletë palosje, etj)
- Mediat audio-vizive lokale
- Tjetër

13. A kanë mundësi qytetarët të marrin apo aksesojnë lehtësisht dokumenta dhe/apo informacione që ju duhen pranë bashkisë?

Po

Jo

14. A publikohen aktet e Bashkise Tuaj në faqen zyrtare të internetit?

Po

Jo

15. A afishohen aktete e bashkisë tuaj në vendet e caktuara nga njësia për njoftimet publike.

Po

Jo

16. A keni hartuar dhe publikuar programin e transparencës?

Po

Jo

17. A keni hartuar dhe/apo publikuar raporte vjetore për transparencën në procesin e vendimmarrjes?

Po

Jo

18. Nëse po, a përfshijnë ato informacion mbi:

- numrin e akteve të miratuara nga Bashkia përgjatë vitit;
- numrin e përgjithshëm të rekomandimeve të marra nga palët e interesuara;
- numrin e rekomandimeve e të komenteve të pranuar dhe të refuzuara gjatë procesit të vendimmarrjes;
- numrin e takimeve publike të organizuara.

19. Cilat janë disa nga sfidat dhe vështirësitë që keni ndeshur për njoftimin dhe informimin e publikut?

20. Cilat do të ishin rekomandimet tuaja për ta përmirësuar më tej zbatimin e këtij procesi në të ardhmen?

21. A keni marrë trajnime në lidhje me detyrimet ligjore për informimin publik?

Po

Jo

22. Cilat do të ishin nevojat për trajnime në te ardhmen në lidhje me informimin publik, njoftimin dhe konsultimin?

FALEMINDERIT PËR BASHKËPUNIMIN!

PYETËSOR ME KËSHILLTARË BASHKIAK

Përballja e Ofertave Politike - POP 2019, është një nismë e rrjetit të organizatave të shoqërisë civile shqiptare mbështetur nga Olof Palme International Centre në kuadër të një programi të financuar nga Suedia: “Shoqëria Civile, Pjesëmarrja Qytetare, Llogaridhënia dhe Ndryshimi Social”.

Rrjeti “Përballja e Ofertave Politike” po monitoron zbatimin e kontratave sociale të nënshkruara me 12 bashki përmes dy projekteve që shkrihen te njëri – tjetri të financuara nga Olof Plame International Centre (OPIC) dhe National Endowment for Democracy (NED).

Rrjeti synon të rrisë debatin publik dhe informacionin te qytetarët, si dhe orientimin e platformave drejt nevojave dhe prioriteteve të tyre. Përmes aktiviteteve projekti synon të forcojë demokracinë duke nxitur transparencën dhe llogaridhënien në nivel vendor.

Kërkojmë bashkëpunimin tuaj për plotësimin e këtij pyetësoi. Gjetjet e këtij sondazhi dhe rekomandimet e dalta prej tij do të ndihmojë në rritjen e transparencës dhe llogaridhënies dhe përmirësimin e përfshirjes së qytetarëve në Bashkinë tuaj.

Bashkia _____

1. Në opinionin tuaj si këshilltar vendor, sa i rëndësishëm është njoftimi, informimi dhe konsultimi në vendimarrjen vendore?

Perceptimi	Shumë i rëndësishëm	I rëndësishëm	Disi i rëndësishëm	Pak i rëndësishëm	Aspak i rëndësishëm
Njoftimi	1	2	3	4	5
Informimi	1	2	3	4	5
Konsultimi	1	2	3	4	5

2. A e njihni bazën ligjore për njoftimin, informimin dhe konsultimin në vendimarrjen vendore?

Njohuritë	Shumë mirë	Mirë	Disi	Pak	Aspak
Kuadri ligjor	1	2	3	4	5

3. Cili është vlerësimi juaj për kuadrin ligjor mbi njoftimin dhe informimin e publikut në nivel vendor?
- I qartë dhe i plotë
 - I qartë, por jo i plotë

 - I paqartë, por i plotë
 - I paqartë dhe jo i plotë
4. Keni rregullore dhe procedura të brendshme të miratuara për realizimin e procesit njoftimit dhe informimit? Nëse po, ju lutem specifikoni.
-
-
5. Cili është vlerësimi juaj për rregulloret e Këshillit Bashkiak (“Marrëdhënjet e KB me publikun dhe median” dhe “Paraqitja dhe shqyrtimi i ankesave, vërejtjeve, kërkesave, peticioneve dhe iniciativave qytetare”)?
- Të qarta dhe të plota
 - Të qarta, por jo të plota
 - Të paqarta, por të plota
 - Të paqarta dhe jo të plota
6. Nëse mendoni që ka nevojë për rishikim apo plotësime, cilat do të ishin rekomandimet tuaja në këtë drejtim?
-
-
7. A ka bashkëpunim mes Këshillit Bashkiak dhe Bashkisë për procesin e njoftimit dhe informimit?
- Po Jo
8. Nëse po, si realizohet ky bashkëpunim?
-
-
9. A publikohet njoftimi për mbledhjen e këshillit në vende të caktuara për këtë qëllim dhe në media të aksesueshme në njësinë vendore
- Po Jo
10. Ne dijeninë tuaj, a përmban njoftimi datën, vendin, orën dhe rendin e ditës së mbledhjes?

Po

Jo

11. Në dijeninë tuaj aktet e Këshillit Bashkiak publikohen/shpallen në:

- faqen zyrtare të internetit
- në vende publike, të caktuara nga këshilli me akses të lirë publik
- tjetër

12. A ka Këshilli Bashkiak burimet e nevojshme për realizimin e njoftimit dhe informimit të publikut?

Po

Jo

13. Në dijeni tuaj, cilat janë mjetet që përdor Këshilli për njoftimin dhe informimin e publikut:

- Lajmërim publik afishuar në ambjentet e bashkisë
- Lajmërim në mediat audio-vizive lokale
- Lajmërim në mediat sociale (Facebook, etj)
- Lajmërim individuale përmes postës apo takimeve direkte
- Lajmërim individuale përmes postës elektronike
- Tjetër

14. Në dijeninë tuaj, a ka një regjistër elektronik të publikuar dhe përditësuar rregullisht?

Po

Jo

15. Në dijeninë tuaj, a ka hartuar dhe publikuar Bashkia programin e transparencës?

Po

Jo

16. Në dijeninë tuaj, a hartohen dhe publikohen raporte vjetore të punës së Këshillit për transparencën në procesin e vendimmarrjes?

Po

Jo

17. A keni marë trajnime në lidhje me detyrimet ligjore për informimin publik?

Po

Jo

18. Cilat do të ishin nevojat për trajnime në te ardhmen në lidhje me informimin publik, njoftimin dhe konsultimin?

FALEMINDERIT!